

Berita-berita Ringkas Dari *Alam Islam*

Al-Sayyid Mahmud Riyad Menteri Luar Republik Arab Bersatu di dalam suatu kenyataannya kepada pemberita-pemberita mengatakan: Kerajaan Republik Arab Bersatu sangat mengambil berat dalam soal membuka kembali Terusan Suez, tetapi perkara itu mustahil dapat dilakukan sebelum kerajaan Israel menarik kesemua angkatan bersenjata dari bumi Sinai, ia menambah kata lagi bahawa pembukaan kembali Terusan Suez adalah bergantung kepada pengunduran angkatan bersenjata Israel dari bumi Arab.

* * *

Suatu berita dari Karachi

menyatakan bahawa polis India telah menangkap al-Sheikh Muhammad Bashar al-Dīn – Mufti Besar bagi wilayah Jammu dan Kashmir. Al-Sheikh Muhammad Bashar al-Dīn adalah seorang pengajur Islam yang terkenal di India, dan beliaulah yang selalu mengatur tunjuk-tunjuk perasaan untuk menentang pihak yang berkuasa polis India menembak orang-orang Muslimin di India dan tidak puas hati di atas layanan-layanan yang diberikan oleh kerajaan India terhadap mereka. Beliau ditahan di bawah kekuasaan undang-undang Keselamatan Dalam Negeri.

* * *

Morarji Desai Naib

Perdana Menteri India telah menyatakan sebab-sebab mengapa kerajaan India tidak mahu mengadakan perhubungan diplomasi dengan Israel. Antara lain Desai

mengatakan: India telah menolak supaya diadakan perhubungan diplomasi dengan Israel ialah disebabkan oleh sejarah. Kepada persatuan Akhbar Amerika Desai menerangkan: Apabila India mengadakan perhubungan diplomasi dengan Israel maka ini bererti akan menimbulkan ketegangan siyasah di Timur Tengah.

* * *

Jordan dan Republik Arab


Bersatu telah bersetuju bagi menambah

pengeluaran barang-barang dagangan di antara kedua-dua buah negeri dengan membatalkan cukai kastam yang dikenakan ke atas barang-barang tanaman dan perindustrian yang dibawa masuk ke dalam kedua-dua buah negeri itu.

* * *

Dari Rawalpindi diberitakan

sebuah akhbar – yang bukan diterbitkan di Pakistan – menyatakan bahawa Syed Sharifuddin Pirzada – Menteri Luar Pakistan – akan mengadakan



Masjid al-Imam al-Shafi'i di Kaherah. Di bawah kubah yang indah

itu terletak makam Imam Shafi'i.

Berita Ringkas

suatu lawatan rasmi ke Indonesia dan Malaysia. Sewaktu berada di Malaysia beliau akan mengadakan perundingan-perundingan dengan pembesar-pembesar negara berhubung dengan cadangan Yang Teramat Mulia Tengku Abdul Rahman bagi menubuhkan suatu ikatan negara Islam. Atau lebih dikenal dengan nama "Ikatan *Commonwealth Islam*". Di Indonesia Menteri Luar Pakistan itu akan merundingkan tentang hubungan ekonomi dan bertukar-tukar kebudayaan di antara Pakistan dan Indonesia.

* * *

Berita dari Tehran menyatakan bahawa

Shah Iran sangat menyesali di atas sikap permusuhan yang bertalu-talu dilancarkan oleh kerajaan Israel terhadap negara-negara Arab. Untuk mengembalikan Baitul Maqdis kepada bangsa Arab. Ini telah dinyatakan oleh baginda kepada al-Sayyid Akram Zuaiter – Menteri Negara Jordan – ketika menteri itu menyerahkan surat khas daripada *Malik Husin* kepada baginda. Selepas lawatannya ke Iran al-Sayyid Akram Zuaiter akan meneruskan lawatannya ke Kabul (Afghanistan), Malaysia, Indonesia dan Somalia untuk menyampaikan surat khas daripada *Malik Husin* kepada ketua-ketua negara tersebut. Kandungan surat itu dipercayai mengenai soal pencerobohan Yahudi dan keamanan di Timur Tengah.

* * *

Berita dari Lahore menyatakan bahawa

Jamā'ah Islāmiyyah Pakistan telah menyampaikan derma wang tunai sebanyak 250 ribu rupiah untuk menolong mangsa-mangsa pencerobohan Yahudi di Palestin. Wang tersebut telah diserahkan kepada Tabung *President*

Ayyub Khan bagi menolong mangsa-mangsa peperangan di Timur Tengah.

* * *

Di dalam suatu ucapannya

di Istanbul Raja Hussein dari Jordan telah bertitah: "Sesungguhnya negara-negara Arab dan Islam hari ini berhajat kepada kerjasama yang rapat di dalam semua bidang. Kerana dengan adanya tenaga kerjasama yang seumpama itu segala musykilah yang sedang dihadapi oleh negara-negara Arab dan Islam akan dapat diatasi". Di akhir ucapannya Raja Hussein membawa contoh betapa berkesannya tenaga kerjasama yang telah diwujudkan di antara negara-negara Arab dengan negara Turki.

* * *

Kementerian dalam Republik Arab Bersatu

telah mengeluarkan suatu kenyataan kepada sekalian penduduk yang tinggal di sepanjang tebing Terusan Suez supaya sentiasa berada di dalam keadaan siap sedia dan berjaga-jaga untuk menghadapi sebarang serangan udara yang mungkin dilakukan oleh Israel. Beberapa penerangan mengenai

menjaga keselamatan diri telah diberikan oleh pihak yang berwajib kepada penduduk di situ.

* * *

Suatu berita dari Tel Aviv

menyatakan bahawa Soviet Russia terus membawa masuk minyak-minyak petrol ke negara Israel meskipun hubungan diplomasi di antara kedua-dua negara itu telah diputuskan dari sejak berlakunya perang di Timur Tengah pada bulan Jun yang lalu.

Kapal minyak Israel "Pilus" yang memakai bendera Liberia sentiasa belayar berulang-alik antara pelabuhan Odessa di Lautan Hitam dan pelabuhan Asdud di Palestin dengan membawa bekalan-bekalan minyak untuk Israel. Kapal minyak "Pilus" dahulu terkenal dengan nama "Haifa" yang dimiliki oleh syarikat perkapalan Israel "ZIM". Dengan desakan dari kerajaan Rusia maka nama kapal itu terpaksa ditukar dengan tujuan untuk mengabui mata dunia. Dan pejabat perkapalannya dipindahkan ke Monrovia (ibu negeri Liberia)



Gambar di atas menunjukkan anggota-anggota rombongan Muslimin dari

Iraq bersama-sama dengan Jeneral Abdul Haris Nasution

sewaktu anggota-anggota rombongan itu menziarahi beliau di rumah

tempat kediamannya di beberapa bulan yang lalu.